



NAQQIUT

Siunnersuut 18. august 2022-imeersoq taarserpaa
(Siunnersuuteqartoq allanngorpoq, taassuma saniatigut allamik allanngortitsisoqanngilaq)

03. november 2022

UKA2022/65

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nunatta kangiani aalisakkerfivinnut tulaassisussaatitaanermik piumasaqaateqalersitsisinnaaneq pillugu Naalackersuisut misissueqqullugit peqquneqarnissaannik inatsisartut aalajangiiffigisassaattut siunnersuut. Nalunaarusiaq inatsisartunut UKA2023 nallertinnagu inatsisartunut agguanneqassapput.

(Siumup Inatsisartunut ilaasortaatitai)

Tunngavilersuut:

Kalallit nunatsinni aalisarnek oqaluttuarisaanitsinni nunatta karsianut aningaasanik isaatitsinitsinni pinngitsoorsinnaagu ullutsinni tamatta inatsisartuugutta, kommunimi ilaasortaagutta, atorfilittaagutta nunatsinni innuttaagutta ilisimaarilluinnarparput. Tamanna nunatta takussutissakkut statistikkikkut takuneqarsinnaavoq uppernarsineqarluni. Aalisakkat assigiinngitsut Kalaallit nunatta imartaaninggaaneersut avammut tunisagut ukiorpassuannngortunik millionilikkaat amerlaqaat, ila amerlaqaat. Aamma Naalackersuisunit inatsisartunillu arlaleriarujussuuartunik aalisagartatta aningaasatigut isaatitsissutigineratigut assigiinngitsorpassuatigut kalaallit innuttaasa atorfissaqartitaat aallaavigalugit allanngortitserinerpassuit pinikuupput. Suli aamma ullutsinni periuseq tamanna ingerlajuarpooq aamma siunissami ingerlanneqartussaajumaartoq qularnanngilaq.

Kalaallit Nunatta kita, tassa kujataa nunatta qeqqa kiisalu avannaa aalisarnikkut ukiorpassuarni pitsaasumik assigiinngitsorpassuatigut ineriartortinneqarsimavoq. Taamatut ineriartortitsisimaneq innuttaasunik pitsaaqquteqarsimaqaaq suliffissaqartitsiniarneq aningaasatigut inuuniuteqarneq eqqaarsaatigalugu. Politikikkummi Innuttaasut suliffissaqartuarnissaannik anguniagaqartuarnissaq pingaarnerpaajuaannartussaavoq.

Kalaallit nunatta kangia (tunumi) taaneqartartartoq eqqarsaatigalugu ukiorpassuarnik aalisarnikkut kinguussaaqqanera ersarissumik oqaatigineqarsinnaavoq. Qularnanngitsumik qangarsuaaniilli ukiulernerani sikorsuit annertoorujussuullutik takkuttarnerat peqqutit ilagilluinnartarsimassavaat taamatut ineriartornissaagaluamik aporfutitsisimasarnerannik. Kiisalu aamma angallatit sikunut akiuussinnaannngitsut pigineqannginnerat aporfii ilagisimassagunarpaat. Kisiannili massakkut aalisariuteqarnikkut inerisimassuseq kalaallit nunatsinni allanngornikuuvoq aammalu silaannaq allanngornikooqaaq.

Massakkut nunatta inissisimaneq eqqarsaatigalugu naalackersuinikkut tulaassuisussaatitaaneq aalisakkanik piumasaqaataalernikuuvoq angallatinik assigiinngitsunik. Kalaallit nunatta kujataani



imartami NAFO 1F saarullinniarnermi pisat aalisakkerivinnut tunitsivinnut tulaanneqarnissaannik piumasagaataalernikuuvoq. Maniitsumi 1500 tonsit qaleraliit tulaanneqarnissaannik qullersat piumasagalernikuupput. Kiisalu aamma sineriammi tunitsivinni tulaassuisussaataaneq piumasagaataalernikuulluni.

Tassa nunami innuttaasut suliffissaqartuarnissaanik pingaartitsiuarnermik illersuinerup tunngavigalugu qullersat aalajangiussaarnikuupput. Massakkullu piffissanngorpoq tunumi tulaassuisussaataanermik piumasagarnissamik iliuseqartoqarnissaa.

Taamaaliortoqarneratigut ukiorpassuarnik tunumi suliffissaaleqineq tusartuagarput/si appariartortinneqarnissaanik aqqutissiuteqataaffigissagaluarparput.

Ullutsinnimi nalinginnaasunngornikuuvoq tunuminngaaniit kalaallit nunatta avaannaanut tunitsivinnut suliarortitsisarneq piffimmik sivisungaatsiartumik.

Ukiorpassuannngortunik tunumi suliffissaaleqiuarneq annertoq atuuttuarneratigut naatsorsuutigaara ilissi malinnaalluarnikuususi tamasuma malitsigisaani inuit assigiinngitsorpasuatigut ajornartorsiutinik kingunerlutsinneqartarnerannik kinguneqartitsisartoq ilisimaarilernikuugissi. Suliffissaaleqiuarnerummi illoqarfik pitsaasup tungaanut ineriartortussaagaluq kingunerisarpaa unittoortitsinermik, innuttaasunillu najuinnarneqarnissaminik naggataatigut apeqquserneqalertarluni. Soorlu massakkut 2022-mi kalaallit nunatsinni 57.000-ni innuttalimmi tunumi 3.500-nnaat najugaqarput.

Tunumi kingoqqinikuusorpasuit qallunaat nunaannut kalaallit nunaata kitaanullu nutsernikorpasuupput, illoqarfimmut allamut nutsernerminni ilaatigut eqartumik illoqarfimminnik ineriartorneq peqqutigisarpaat suliffissaqartannginnerlu aamma taamatut peqqutaagataasartorujussuusutut tunngavilersuugisarlugu.

Taamaammat massakkut siunnersuutigisara neriuteqarfigisorujussuuvara inatsisartuni ilaleneqartuarumaartoq.

Pisortanut aningaasatigut allaffissornikkullu kingunerisassat:

Ukiup affaanik sulisumik sulisitsineq, kr. 250.000 missiliorlugu

Namminersorluni inuussutissarsiuteqarnermut aningaasatigut allaffissornikkullu kingunerisassat:

Soqanngilaq

Innuttaasunut aningaasatigut allaffissornikkullu kingunerisassat:

Soqanngilaq